

ԴԵԿԱԲՐԻԱՏՆԵՐԻ ԱՊՍՏԱՄԲՈՒԹՅԱՆ 150-ԱՄՅԱԿԸ

ԴԵԿԱԲՐԻԱՏՆԵՐԻ ԱՊՍՏԱՄԲՈՒԹՅՈՒՆԸ

Պատմ. գիտ. լոկտոր Զ. Տ. ԳՐԻԳՈՐՅԱՆ

Ցրտաշունչ նեաշի ափին, Պետերբուրգում 1825 թ. մառախլապատ դեկտեմբերի 14-ին ուսւ առաջին հեղափոխականները ապստամբության դրոշմարկեցին ցարիզմի դեմ: Եվ թեպետ այդ խիզախների համարձակ փորձը արյան մեջ խեղդվեց, բայց և ազդարարեց Ռուսաստանի հեղափոխական ազատագրական շարժումների սկիզբը և իր կնիքը դրեց ռուսական կյանքի հետագա ողջ ընթացքի վրա:

Վ. Ի. Լենինը, տալով Ռուսաստանի ազատագրական շարժումների գիտական պարբերացումը, այն բաժանել է երեք փուլի՝ ազնվականական (1825—1861), ռազնոչինական կամ բուրժուա-դեմոկրատական (1861—1895) և պրոլետարական: «Ազնվականական ժամանակաշրջանի ամենաականավոր գործիչները դեկաբրիստներն ու Գերցենն էին»¹, — գրում է Վ. Ի. Լենինը:

Դեկաբրիստական շարժումը արդյունք էր Ռուսաստանի սոցիալ-տնտեսական և քաղաքական կյանքի օրինաչափ զարգացման: Ճորտատիրական տնտեսության ձգնաժամի սրումը և բուրժուական հարաբերությունների զարգացումը, ճորտ գյուղացու աշխատանքի ոչ շահավետությունը լիբերալորեն տրամադրված կալվածատերերին դրդում է իրենց տնտեսությունը փոխադրել կապիտալիստական եղանակով վարելու ձանապարհը:

Արտագրողական ուժերի զարգացման պրոցեսը առավել նկատելի է դառնում արդյունաբերության ոլորտում: Նշմարելի զարգացում է ապրում մանուֆակտուրային արտադրությունը: XIX դարի առաջին տասնամյակներին զգալիորեն ուժեղանում են Ռուսաստանի առևտրա-տնտեսական կապերը արևմուտքի և արևելքի երկրների հետ:

Նույն ժամանակահատվածում նկատելի փոփոխություններ են կատարվում Ռուսաստանի բնակչության սոցիալական կազմում: Կապիտալիստական հարաբերությունների զարգացման հետևանքով ծնունդ առան սոցիալական բոլորովին նոր խավեր՝ սկսվեց պրոլետարիատի և առևտրա-արդյունաբերական բուրժուազիայի սաղմնավորման պրոցեսը:

Ազնվականական շրջաններից դուրս եկան առաջավոր մարդիկ, որոնք նոր զարգացող արտադրողական ուժերի ու հին արտադրական հարաբերությունների միջև խորացող անհամապատասխանության վերացման միջոց էին համարում ճորտատիրական իրավունքի ոչնչացումը և կապիտալիստական

¹ Վ. Ի. Լենին, Երկեր, հատ. 20, էջ 297:

հարաբերությունների արմատավորումը: Այսպիսով, ղեկաբրիստական շարժման ղրխավոր նախադրյալ հանդիսացավ XIX դարի առաջին բառորդին Ռուսաստանում ֆեոդալական-ձորտատիրական հասարակարդի ձգնաժամի խորացումը և կապիտալիստական հարաբերությունների դարգացումը:

Դեկաբրիստական շարժման մյուս նախադրյալը դա երկրում սոցիալական հակամարտությունների և դասակարգային սպառարի ուժեղացումն էր: 1812 թ. Հայրենական պատերազմի ավարտից և մասնավորապես Եվրոպայի միապետների ունակցիոն միություն՝ «սուրբազան դաշինքի» կնքումից հետո Ռուսաստանի ներքին կյանքի բոլոր ասպարեզներում սկսում է իշխել «արակ-չեկականությունը», որը ուստիկական բռնադատության և բիրտ ղինվորականության միաձուլումն էր: Առավել սաստկացավ առանց այդ էլ կատարյալ թշվառության հասած գյուղացիության տնտեսական ու իրավական վիճակը:

Բ պատասխան երկրում մոլեգնող արակչեկյան բռնությունների, զնալով ուժեղանում են ժողովրդական շարժումները: Պաշտոնական վիճակագրության տվյալներով 1813—1825 թթ. արձանագրվել է գյուղացիական ելույթների 540 դեպք: Այդ տարիներին ելույթներ են ունենում նաև Գաղանի, Մոսկվայի նահանգի, Ուրալի արդյունաբերական ձեռնարկությունների ձորտ բանվորները:

Աղատամիտ, հեղափոխական տրամադրությունները թափանցում են ցարական բանակ, այդ թվում նաև զվարդիական դորամասերը:

Այսպիսով, 1812 թ. Հայրենական պատերազմին հաջորդած տասնամյակում Ռուսաստանում հանդես եկան հեղափոխական իրադրության տարրեր: Սակայն հեղափոխական շարժման համար գյուղացիությունը ղեկավար չունեի, պրոլետարիատը որպես դասակարգ ղեկես չէր ձևավորվել, իսկ բուրժուազիան խիստ թույլ էր և ոչ հեղափոխական: Ուստի շարժման ղեկավարությունը իրենց ձեռքն են վերցնում ազնվականական հեղափոխականները:

Դեկաբրիստների ղաղափարախոսությունը նույնպես ձևավորվեց ռուսական իրականության պայմաններում: Նրա վրա խոր ազդեցություն գործեցին Ռադիշչևի և ուս մյուս լուսավորիչների հայացքները, ինչպես նաև առաջավոր դրոդների ստեղծագործությունները:

Դեկաբրիստների ղաղափարախոսության ձևավորման համար կարևոր նշանակություն ունեցավ 1812 թ. Հայրենական պատերազմը, երկրում հորդացող հայրենասիրական շարժումը: Դեկաբրիստները իրենց կոչում էին «1812 թվականի որդիներ»:

Եվ վերջապես, ռուսական կյանքը մեկուսացած չէր Արևմտյան Եվրոպայի առաջավոր հասարակական-բաղաբական մտքից և լուսավորական շարժումից: Ազնվականական միջավայրից դուրս եկած հեղափոխական գործիչներին «ետաբրբրում են նաև Արևմտյան Եվրոպայում վերելք ապրող հեղափոխական-աղատագրական շարժումները, այնտեղ հասարակական, քաղաքական, լուսավորական շարժման բնագավառներում կուտակված հարուստ և ուսանելի փորձը:

Այսպես ղեկաբրիստներից շատերը, 1813—1814 թթ. արաասահմանյան արշավանքի ժամանակ լինելով ռուսական բանակի կադմում, մոտիկից ծանոթացան Եվրոպական աականավոր լուսավորիչների հայացքներին: Միաժա-

մասնակ, Արևմտյան Եվրոպայում նրանք ականատես եղան թագավորների դաժնեկեցությունը և սահմանադրությունների ընդունմանը:

Անտարակույս, ապագա դեկաբրիստների հետաքրքրությունը Արևմտյան Եվրոպայի քաղաքական կյանքի նկատմամբ ամենեին էլ չի նշանակում, թե դեկաբրիստական շարժումը կորցնում է յուր ինքնօրինակությունը, կամ այդ շարժումը «ներ է մուծվել դրսից», ինչպես ջանացել է ներկայացնել ցարական պաշտոնական պատմագրությունը: Դեկաբրիստների հետաքրքրությունը դեպի արևմտյան իրականությունը նպատակ է հետապնդել՝ օգտագործել համաշխարհային փորձը՝ Ռուսաստանի պատմական դարգացման ընթացքը լուրջի լուրջ համար:

Սրանք էին այն հիմնական գործոնները, որոնց հիմքի վրա հանգես եկավ դեկաբրիստական շարժումը:

* * *

1816 թ. փետրվարին, Ռուս ազատամիտ սպաները Պետերբուրգում հիմնում են մի զաղտնի խմբակ՝ «Փրկության միություն» անունով, որն իր ծրագիր-կանոնադրության ընդունումից հետո («Ստատուտ»—1817 թ. սկիզբ) վերանվանվեց «Հայրենիքի հարազատ ու հավատարիմ որդիների ընկերություն»: «Փրկության միություն» հիմնադրումով կազմակերպչորեն սկիզբ դրվեց դեկաբրիստական շարժմանը:

«Փրկության միությունը» հիմնեց զվարդիայի շտաբի գնդապետ Ալեքսանդր Մուրավյովը: Միության հիմնադիր անդամներից էին զվարդիայի սպաներ Սերգեյ Տրուբեցկոյը, Մատվեյ և Սերգեյ Մուրավյով-Ապոստոլ եղբայրները, Նիկիտա Մուրավյովը, Իվան Յակուշկինը: 1816 թ. վերջերին Միության մեջ մտան Պավել Պետելը, Իվան Պուշկինը, Միխայիլ Լունինը: Շուտով Միության անդամների թիվը հասավ 30 մարդու: Նրանք բոլորն էլ պատկանում էին ազնվականական առաջագեծ երիտասարդությանը:

«Փրկության միությունը» իր գլխավոր խնդիրն էր համարում Ռուսաստանում ճորտատիրական իրավունքի վերացումը, բացարձակ միապետության տապալումը և սահմանադրական կարգերի հաստատումը: Սակայն իր առջև դրված նպատակին հասնելու համար նա շունչ էր միասնական տակտիկական գիծ: Միության պահպանողական թևեր կառչում է խաղաղ ռեֆորմների միջոցին, իսկ ավելի արմատական թևեր առաջ է քաշում վճռական պայքարի անհրաժեշտությունը:

1817 թ. աշնանը ցարական արքունիքը որոշ ժամանակով փոխադրվում է Մոսկվա՝ 1812 թ. Հայրենական պատերազմին նվիրված հուշարձանի հիմնադրման կապակցությամբ: Մոսկվա է փոխադրվում նաև զվարդիան: Որպես զվարդիայի սպաներ Մոսկվա փոխադրվեցին «Փրկության միություն» անդամներից շատերը: Նրանց Մոսկվայում գտնվելու ընթացքում Միության երկու թևերի միջև գոյություն ունեցող տարաձայնությունները բավականաչափ սուր բնույթ են ստանում:

Միության ներսում ստեղծված իրադրությունը անհրաժեշտ դարձրեց նրա վերակազմումը: Թե՛մ պայքարի պրոցեսում, 1818 թ. ծնունդ առավ «Կանաչ գիրք» անունով դեկաբրիստական նոր ծրագիր-կանոնադրությունը («Կանաչ գիրք» կոչվեց կազմի գույնով): Նրա շուրջը համախմբված դեկաբրիստները

իրենց կազմակերպությունը կոչեցին՝ «Բարօրության միություն»։ Այսպիսով, «Փրկության միությանը» եկավ փոխարինելու «Բարօրության միությունը»։ Նրա անդամների թիվը հասավ 200 մարդու։ Միության կենտրոնական ղեկավարությունը գտնվում էր Պետերբուրգում և կոչվում էր «հիմնական ուսուցիչ» (վարչատուն)։ Միությունն ուներ իր մասնաճյուղերը՝ տեղական «ուսուցիչներ»՝ Մոսկվայում, Քիշինևում, Տուլչինում և այլուր։

Այսպես 1820 թ. «Բարօրության միությունը» նշմարելիորեն ձախանում է։ Հատկապես ուժեղանում է Պ. Պետտելի ազդեցությունը։ Վերջինս առաջ է քաշում միապետության տապալման և հանրապետական կարգերի հաստատման անհրաժեշտությունը։

Միության ձախացմանը մեծ շափով նպաստեցին երկրում ծավալվող ժողովրդական-գյուղացիական շարժումները, հուզումները բանակում և մասնավորապես 1820 թ. հոկտեմբերին Սեմյոնովյան զվարդիակուն գնդի խռովությունը։ Դեկաբրիստներին պայքարի են ոգեշնչում նաև Իսպանիայում, Պորտուգալիայում, Նեապոլիտանիայում 1820 թ. տեղի ունեցած զինվորական հեղափոխությունները։

«Բարօրության միության» առավել հեղափոխականացման պրոցեսը անհրաժեշտություն է դարձնում արմատական փոփոխություններ կատարել Միության կառուցվածքում, ծրագրում և տակտիկայում։ Իսկ վերջինս տեղիք է տալիս նոր մտահղացումների, որոնումների, վեճերի և տարաձայնությունների։ Հստականում է Միության համագումարի հրավիրելու անհրաժեշտությունը։

1821 թ. հունվարին Մոսկվայում Դոնսկիդինի բնակարանում կայանում է «Բարօրության միության» հիմնական ուսուցիչի համագումարը՝ տեղական ուսուցիչների ներկայացուցիչների մասնակցությամբ։ Այստեղ փոփոխականից վեճեր տեղի ունեցան Միության հետագա զործունեության կապակցությամբ։ Առավել արմատական հայացքներ ունեցողները պահանջում էին Միությունը լուծարել և ստեղծել նոր, ավելի մարտունակ զաղտնի կազմակերպություն։ Միաժամանակ նրանք գտնում են, որ «Բարօրության միության» լուծարելի միջոցով հնարավոր կլինի ազատվել կազմակերպության մեջ ներթափանցած տատանվող ու անբարենպաստ մարդկանցից։ Պահպանողական թևի ներկայացուցիչները նույնպես կողմ էին Միության լուծարքին, որպեսզի ալդ միջոցով ազատվեն «տաք գլուխներից», ինչպես նրանք կոչում էին արմատական հայացքներ ունեցողներին։ Եվ, վերջապես, Միության լուծարքը պաշտպանում էին երկու կողմերն էլ, որովհետև հայտնի է դառնում, որ ոստիկանությունը տեղեկացել է համագումարի մասին և հետևում է նրա մասնակիցներին, հետևապես Միության հետագա գոյությունը լրջորեն վտանգված է։

Այսպիսի իրադրության թելադրանքով համագումարը «Բարօրության միությունը» պաշտոնապես հայտարարեց լուծարելի և լուծարված։ Դրանից հետո հիմնադրվեցին ղեկավարիչական երկու նոր խոշոր կազմակերպություններ՝ Հարավային և Հյուսիսային բնկերությունները։

«Բարօրության միության» Տուլչինի ուսրավայի հիմքի վրա, 1821 թ. մարտին հիմնադրվեց ղեկաբրիստների Հաբավային ընկերությունը: Նրա ղեկավարն էր զնդապետ Պ. Պետելը, որը ծառայում էր հարավային երկրորդ բանակում: Պավել Իվանովիչ Պետելը (1793—1826) ղեկաբրիստական շարժման ամենաականավոր գործիչներից մեկն էր: Նա իր ժամանակի Ռուսաստանի զարգացած ու խելացի մարդկանցից էր, ղեկաբրիստական շարժման արմատական թևի առաջնորդն ու զաղափարախոսը:

Միության ղեկավար գործիչներից էին՝ Սերգեյ Մուրավյով-Ապոստոլը, Մ. Բեստուժև-Ռյումինը, Յուլյանսկին, Բարյատինսկին, Վոլկոնսկին, Դավիդովը և ուրիշներ:

Հարավային բնկերությունում ծնվեց Պ. Պետելի ձեռքով գրված ղեկաբրիստական շարժման ծրագրային նշանավոր փոստաթուղթը՝ «Ռուսակայա սրավդան»³, ապագա Ռուսաստանի սահմանադրության նախագիծը:

«Ռուսակայա Սրավդան» առաջադրում է ձորտատիրական իրավունքի անհաղաղ ոչնչացման և գյուղացիներին հողով ապահովելու պահանջ: Նա Ռուսաստանի օգտագործվող հողը բաժանում է երկու մասի. առաջինը «հասարակական հողն» էր, որը լինելու էր վոլոստի սեփականությունը: Նրանից կարող էին օգտվել տվյալ վոլոստի այն քաղաքացիները, որոնք կցանկանային զբաղվել երկրագործությամբ: Ռուսաստանի բնդհանուր հողային ֆոնդի երկրորդ մասը Պետելը կոչել է «մասնավոր հող»: Նրան տիրելու իրավունք ունեին բոլոր քաղաքացիները՝ վաճառելու, կապալով տալու, ժառանգելու իրավունքով:

«Ռուսակայա սրավդան» վճռականորեն առաջադրում է միապետության տապալման և հանրապետական կարգերի հաստատման պահանջ: Համապատասխանորեն շարադրված են տեղական և կենտրոնական իշխանության օրգանների ստեղծման կարգը և նրանց ֆունկցիաները:

«Ռուսակայա սրավդան» նախատեսում է զասանության վերացում, բոլոր քաղաքացիների հավասար իրավունք օրենքի առաջ, բնդհանուր ընտրական իրավունք առանց գույքային և կրթական ցենզի, 18 տարին լրացած ռուսահայտակ բոլոր տղամարդիկ ստանալու էին քաղաքացիական իրավունք:

Իր ծրագրի իրագործման միջոց Պ. Պետելը համարում էր պետական հեղաշրջումը, որը, սակայն, պետք է կատարվեր բացառապես զորքի միջոցով: Պետական հեղաշրջման խնդիրն էր միապետության տապալումը և ժամանակավոր կառավարության ստեղծումը, որը 10—12 տարիների ընթացքում նախապատրաստելու էր անցումը բուրժուական հանրապետական կարգերի:

Դեկաբրիստների մյուս նշանավոր կաղմակերպությունը Հյուսիսային ընկերությունն էր, որը սաղմնավորվեց Մոսկվայի համալսարանից անմիջապես հետո, բայց վերջնականապես ձևավորվեց 1822 թ. աշնանը՝ Պետերբուրգում:

Միության ղեկավարներից ու ազդեցիկ զաղափարախոսներից էր Նիկիտա Միխայլովիչ Մուրավյովը: Նա բաղմակողմանի զարգացած մարդ էր, մեծ հակում ուներ ղեպի պատմության, ինչպես և ռազմական տեսության հարցերը:

3 Տե՛ս «Восстание декабристов. Материалы. Документы. Следственные дела», т. VII, М.—Л., 1958.

ն. Մուրավյովի գրչին է պատկանում Միության ծրագիրը՝ Ռուսաստանի ապագա սահմանադրության նախագիծը, որը պատմության մեջ մտել է ն. Մուրավյովի «Սահմանադրություն»⁴ անունով:

Ն. Մուրավյովն իր «Սահմանադրությունում» նույնպես առաջադրում է ճորտատիրական իրավունքի վերացման պահանջ, սակայն առանց հողի: Միայն Միության անդամների ճնշման տակ «Սահմանադրության» հետագա տարբերակներում, այդ կետը վերափոխելով, նախատեսում է գյուղացիներին ազատագրել տնատեղով և երկու դեսյատին վարելահողով: Մնացած ամբողջ հողը մնալու էր կալվածատերերին:

Նա առաջարկում է բացարձակ միապետությունը փոխարինել սահմանադրական միապետությամբ: Թագավորը պետք է զրկվեր օրենսդիր իրավունքներից և մնար որպես պետության գերագույն չինովնիկ՝ ներկայացնելով երկրի գործադիր իշխանությունը:

Ն. Մուրավյովը նախատեսում էր Ռուսաստանը բաժանել 13 շտատների (նահանգ) և երկու մարզի (Մոսկվայի և Դոնի): Շտատներից և մարզերից կազմվելու էր ֆեդերացիա: Երկրի կառավարումը վերեց մինչև ներքև իրադրծվելու էր ընտրովի օրգանների միջոցով: Սակայն ընտրական իրավունքը խարսխվելու էր գույրային բարձր ցենզի վրա: Ընտրական իրավունքից օգտվելու էին 21 տարին չբացած տղամարդիկ:

Ընչպես Պ. Պետտելի «Ռուսակալա պրավդանում», այնպես էլ ն. Մուրավյովի «Սահմանադրությունում» ռուսական քաղաքացիների համար նախատեսվում էր սեփականության անձնական իրավունք, դավանանքի, տեղաշարժի, խոսքի, մամուլի ազատություն, գինվորական բնակավայրերի վերացում, գինվորական ծառայության ժամկետի կրճատում և ընդհանուր պարտադիր գինվորական ծառայություն:

Հյուսիսային ընկերության ներսում կար մի ազդեցիկ խումբ (Ռիլեն, Նիկոլաչ, Ալեքսանդր, Սիխայիլ Բեստոմեններ, Օբոլենսկի, Կախովսկի, Յակուբովիչ և ուրիշներ), որը հակված էր դեպի Պետտելի «Ռուսակալա պրավդան» և ներկայացնում էր Հյուսիսային ընկերության առավել արմատական, դեմոկրատական հայացքները:

Թեև ն. Մուրավյովի «Սահմանադրությունը» Ռուսաստանի սոցիալ-տնտեսական և քաղաքական կյանքում արմատական վերափոխումների պահանջ էր առաջադրում, բայց նա չափավոր էր, քան Պ. Պետտելի «Ռուսակալա պրավդան»: Չափավոր էին նաև ն. Մուրավյովի տակտիկական սկզբունքները: Նա առավելապես կողմ էր «մտքի և գործի վրա ներազդելու» խաղաղ տակտիկային: Այս բոլորով հանդերձ, ն. Մուրավյովի «Սահմանադրությունը» նույնպես գեկաբրիստական շարժման ծրագրային նշանավոր փաստաթղթերից մեկն է՝ ուղղված բացարձակ միապետության և ճորտատիրական իրավունքի դեմ:

Գեկաբրիստական կազմակերպություններից էր նաև Միացյալ սլավոնների ընկերությունը: Այն սաղմնավորվել էր 1818 թ. Պոլտավայի նահանգի Ռեչենսիովկա ավանում և որպես քաղաքական կազմակերպություն վերջնակապես ձևավորվել 1823 թ.: Նրա հիմնադիր գործիչներից էին կրտսեր

⁴ См. Н. Труженин, Декабрист Никита Муравьев, М., 1933.

սպաներ Պյոտր և Անդրեյ Բորիսով եղբայրները, Վոլկովը և Ռուսաստանի հարավ արքայազն լեհ հեղափոխական Լյուբլինսկին: Միության մեջ առաջին ընդունվածներից էին Ա. Բեշտանովը, Պ. Վիդոգովսկին, Ի. Գորբաչևսկին:

«Միացյալ սլավոնների ընկերությունը» առաջադրեց ղյուղացիության ապստամբություն՝ հողով, միապետության կործանում և սլավոն ժողովուրդների դեմոկրատական ֆեդերատիվ հանրապետության ստեղծում: Նախատեսվող ֆեդերացիան ընդգրկելու էր Սլովիակ, Բալթիկ, Ագրիատիկ և Սև ծովերի միջև ընկնող տերիտորիան:

Սլավոնական միացյալ հանրապետությունը ղեկավարելու էր ընդհանուր ընտրական իրավունքով ընտրված «Գերագույն ժողովը», որը առաջնորդվելու էր սահմանադրությամբ: Ֆեդերացիայի մեջ մտնող յուրաքանչյուր հանրապետություն օգտվելու էր ինքնավար ընդարձակ իրավունքներից, ունենալու էր իր սահմանադրությունը և կառավարող մարմինները: Միությունը ղեմ էր նեղ ղինվորական հեղաշրջմանը, նա առաջադրում էր ժողովրդին օգտագործելու անհրաժեշտությունը:

«Միացյալ սլավոնների ընկերությունը» ոչ միայն իր ծրագրային սկզբունքներով էր ղեկաբերիստական շարժման ամենադեմոկրատական թևը, այլև իր կազմով: Նրա անդամներն ունեին ղինվորական ցածր աստիճան. նրանք քայքայված ազնվականներ էին: «Միացյալ սլավոնների ընկերությունը» 1825 թ. աշնանը ձուլվեց դեկաբրիստների «Հարավային ընկերության» հետ, դառնալով նրա «սլավոնական ուսյրական»:

* * *

Դեկաբրիստները, մշակելով ապստամբության նախնական սլան, ծրագրում էին այն իրագործել 1826 թ. օգոստոսին, երբ հարավային բանակի վարժախաղերը դիտելու համար Բելալա Յերկով էր գալու Ալեքսանդր I-ը: Ապստամբությունն սկսելու ազդանշան էր լինելու թագավորի սպանությունը: Սակայն ղեկավարի հետագա ընթացքը ի չիք դարձրեց այդ սլանը:

1825 թ. նոյեմբերի 19-ին Տաղանդոգում վախճանվում է Ալեքսանդր I-ը: Նրա մահից հետո որոշ ժամանակ պարզ չէր, թե նրա երկու եղբայրներից ով էր զահ քարձրանալու՝ Կոնստանտինը, թե Նիկոլայը: Ստեղծվեց ղինաստիական ձգնաժամ: Այս նպաստավոր իրադրությունն օգտագործելով, դեկաբրիստների «Հյուսիսային ընկերության» ղեկավարությունը Պետերբուրգում ղեկտեմբերի 14-ին ցարիզմի ղեմ ապստամբություն կազմակերպեց: Այդ օրը առավոտյան դեկաբրիստական ղնդերը սկսեցին ղալ Սենատի հրապարակ: Այստեղ հավարվեցին ապստամբած շուրջ 3000 ղինվոր և 30 սպա:

Խուճապի մատնված Նիկոլայը, որն արղեն տիրել էր ղահին. մի քանի ֲիորձ կատարեց համոզելու ղեկաբերիստներին, որ իրեն հավատարմության երղում տան: Բայց նրանք վճռականորեն մերժեցին այդ առաջարկությունը: Կախովսկին նույնիսկ մահացու վիրավորեց բանակցություններ վարողներից Պետերբուրգի ղեներալ-նահանղապետ Միլորադովիչին: Հսելով ապստամբության լուրը, Սենատի հրապարակի մոտ հավաքվում են մեծ քանակությամբ արհեստավորներ, օրավարձով աշխատող բանվորներ, աշխատանք ձարելու նպատակով Պետերբուրգ եկած ղյուղացիներ, ուսանողներ,

մանր շինություններ և աշխատավորական խավերին պատկանող այլ մարդիկ։ Նրանք վիրավորական խոսքեր են չպարտում նիկոլայի հասցեին, արտահայտելով ապստամբներին օգնելու իրենց պատրաստակամությունը։ Հրապարակում, Խսակիւյան տաճարը կառուցող բանվորները քարեր ու փայտի կտորներ են նետում նիկոլային հավատարիմ զորքերի վրա։ Սակայն, զժբախտաբար, ապստամբության ղեկավարները ժողովրդին օգտագործելու համարձակություն և վճռականություն հանդես չբերեցին։ Այս վճռական պահին նույնպես շեշտված ձևով արտահայտվեց ղեկաբրիստների դասակարգային սահմանավաճվածությունը, նրանց վախը ժողովրդից։

Օգտվելով ղեկաբրիստների անվճռականությունից և թույլ տված սխալներից, նիկոլայ 1-ը ժամանակ շահեց ու Սենատի հրապարակ բերեց կառավարությանը հավատարիմ զորք և հրետանային լարերի ու մանրագնդակների տեղատարափ կրակով ուշ երեկոյան արշան մեջ խեղդեց ղեկտեմերի 14-ի ապստամբությունը։

Սենատի հրապարակի ապստամբության լուրը ղեկաբրիստների Հարավային ընկերությանը հասավ ղեկտեմերի 25-ին, երբ ալստեղ արդեն սկսվել էին բանտարկությունները։ Դեռևս ղեկտեմերի 13-ին մատնությանը բանտարկվել և Պետերբուրգ էր ուղարկվել Պ. Պետտելը։ Ապա բանտարկվեցին Տուլչինի ուսրավայի մյուս անդամները։ Դեկտեմերի 25-ին բանտարկվեց Վասիլկովի ուսրավայի ղեկավար Սերգեյ Մուրավյով-Ապոստոլը և ուրիշներ։ Այլևս դանդաղել չէր կարելի։ Ուստի Չերնիզովյան գնդում ծառայող «Միացյալ սլավոնների միության» անդամների ջանքերով բանտից ազատվում է Ս. Մուրավյով-Ապոստոլը և ղեկտեմերի 29-ին, Բեստուժե-Մյուժինի հետ միասին Չերնիզովյան գունդը դուրս է բերում ապստամբության։ Դեկտեմերի 31-ին Վասիլկովի հրապարակում ապստամբած գնդի առջև կարգացվեց Սերգեյ Մուրավյովի և Բեստուժե-Մյուժինի կողմից գրված «Կատեխիզիսը», որտեղ ընդգծված ձևով շեշտվում էին միապետության տապալման, հանրապետական կարգերի հաստատման, ճորտատիրական իրավունքի վերացման և ղեկաբրիստների ծրագրային այլ սկզբունքները։

1826 թ. հունվարի 3-ին Չերնիզովյան գնդի վրա Տրիես և Կովալյովկա դյուղերի մոտակայքում դրոշեց կառավարությանը հավատարիմ մնացած զորաջոկատը՝ ղեկերալ Գեյսմարի հրամանատարությամբ։ Ուժերը խիստ անհավասար էին և Գեյսմարին հաջողվեց ճնշել Չերնիզովյան գնդի ապստամբությունը։ Այսպիսով, անհաջող վախճան ունեցավ նաև ղեկաբրիստների Հարավային ընկերության ապստամբությունը։

Նիկոլայ 1-ը, որին ժողովուրդը նվիրել «Պալկին» մականունը կնքեց, դա՛ բարձրացավ ղեկաբրիստների դիակների վրայով։ Դեկտեմերի 14-ի զիշերվանից սկսվում են ղեկաբրիստների մասսայական ձերբակալությունները։ Նրանց նախնական հարցաքննություններին չորսուն մասնակցություն է ունենում ինքը՝ Նիկոլայ 1-ը։

Դեկաբրիստների զործը հետաքննելու համար ղեկտեմերի 17-ից Պետերբուրգում սկսեց գործել հատուկ հետաքննող հանձնաժողով։ Ցարական սատրապները դաժան միջոցների դիմեցին՝ չանալով հարկադրել ղեկաբրիստներին, որպեսզի ընդունեն, թե իրենք «ղավաղիրներ» և «հայրենիքի դավաճաններ» են։ Սակայն նրանք վճռականորեն մերժելով այդ հերյուրանքները, հա-

մարձակորեն պաշտպանում էին ճորտատիրական իրավունքի վերացման և խրքնակալության տապալման իրենց հեղափոխական ծրագիրը:

Կախովսկին, Նիկոլայ I-ի այն հարցին, թե նա «արդյո՞ք կամեցել է սպանել թագավորին», պատասխանում է. «Այո՛, և ավստոս, որ այդ չեմ կատարել»: Կ. Ռիլենը բանտում անոգե փսիքի վրա մեխով գրում է հետևյալ քառյակը.

Բանտը պատիվ է ինձ և ոչ անարգանք.
Արյուր գործի դատն է բերել ինձ այստեղ.
Ամո՞թ համարեմ շղթան ու կապանք.
Ներ կրում եմ, ի՞նչ հայրենիք, մեզ համար:

Ինկարրիստական շարժման իր հարելու զրդապատճառների մասին Պ. Պեստելը բանտից ծնողներին գրում է. «Ես ջերմորեն սիրել եմ իմ հայրենիքը և պատանեկան խանդավառությամբ ցանկացել եմ նրա երջանկությունը»:

Այսպիսի համոզմունքներով էր, որ ռուս առաջին հեղափոխականները սկզբնավորեցին ղեկաբրիստական շարժումը: Ապստամբության ձնշումից հետո նույն համոզմունքներին հավատարիմ նրանք զնացին բանտ, աքսոր, կախաղան:

Ինկարրիստների ապստամբությանը մասնակցելու համար բանտարկված 3000 մարդուց (500 սպա և 2500 զինվոր)⁵ հետաքննությունից հետո դատի հանձնվեց 121 մարդ (բաժանելով 11 խմբի), որոնց միջին տարիքը հազիվ հասնում էր 27-ի: Մեղադրյալներին, ըստ հարուցված մեղադրանքի, դատարանը բաժանում է երեք կարգի («թագավորասպաններ», «դավադիրներ», «գորային խռովարարներ») և ենթարկում պատժի տարբեր չափի: Պ. Պեստելը, Ս. Մուրավյով-Ապոստոլը, Մ. Բեստուժե-Ռյումինը, Պ. Կախովսկին և Կ. Ռիլենը (որոնք սահմանված 11 խմբից դուրս էին ճանաչվել) 1826 թ. հուլիսի 13-ի դիշերը Պեստելի Կոնստանտինովսկի քաղաքում փորձեցին կախաղան բարձրացվեցին: Մյուսները զրկվեցին ազնվականական կոչումներից ու զինվորական աստիճաններից և աքսորվեցին Սիբիր տաժանակրության: Մի մասն էլ ուղարկվեց հեռավոր կայազորները և զործող բանակները՝ որպես շարքային զինվորներ:

Այն զվարդիական զնդերի վաշտերից, որոնք մասնակցել էին Սևնատի հրապարակի ապստամբությանը, ձեավորվեց լեյբ-զվարդիայի Հավաքական զույղը (1287 մարդ, որից 38 սպա) և ուղարկվեց Կովկաս: Կովկասյան հատուկ կորպուս ուղարկվեցին նաև ղեկավարների 14-ի ապստամբությանը մասնակցած զվարդիական նավաստիների մի խումբ և Չերնիգովյան զնդի ապստամբությանը մասնակցած զինվորները: 1826—1828 թթ. ռուս-պարսկական պատերազմի ընթացքում Սիբիր և Ռուսաստանի այլ վայրեր աքսորված ղեկաբրիստների մեծ մասին նույնպես փոխադրեցին Կովկասյան կորպուս: Նրանք եղան նաև Հայաստանում և իրենց զործուն մասնակցությունը բերեցին Արևելյան Հայաստանը Ռուսաստանին միացնելու համար մղված պատերազմական զործողություններին⁶:

⁵ Տե՛ս Մ. Բ. Բեչկոնս, նշվ. աշխ., հատ. II, էջ 394:

⁶ Տե՛ս Մ. Նեբոխյան, Ինկարրիստները Հայաստանում, Երևան, 1958: Զ. Երիզորյան, Հայ և ռուս ժողովուրդների զարավոր բարեկամությունը, Երևան, 1960:

⁷ Հանդես, № 4

* * *

Թեպետ նիկոլայ 1-ը արյան մեջ խեղդեց ղեկաբրիստական շարժումը, բայց ղեկաբրիստների գաղափարները շարունակեցին ապրել, դրանք ջերմորեն պաշտպանեցին Ռուսաստանի առաջավոր մարդիկ: Պուշկինն իր հաստատ համոզմունքը հայտնեց, որ կգա այն օրը, երբ իրականություն կդառնան ղեկաբրիստների երազանքները: «Աքսորյալ ղեկաբրիստներին» բանաստեղծությունն մեջ նա գրում էր.

Հպարտ ապրեցեմ, ավ ամսոբյալներ,
 Խավար հանձնեում հեռու Սիրիերի.
 Ձի կորչի իզուր աշխատանքի ձեր
 Ու ձգտումներ ձեր վեհ մտերի.
 Եվ կընկնեմ մի օր շղթաներ ձեր,
 Բանտը կդառնա խղճով ավերակ,
 Ազատությունը ղեմ կվազի ձեզ
 Ու քնկերներից սրեր կստանալ:

Իրենց գաղափարների հաղթանակի հանդեպ ունեցած նույնպիսի հաստատ հավատով աքսորված ղեկաբրիստների անունից Պուշկինն պատասխանում է Ա. Օդոևսկին: Նրա բանաստեղծության «կայծից բոց կբռնկի» խոսքերը Վ. Ի. Լենինը դարձրեց «Բսկրա» թերթի բնաբանը:

Դեկաբրիստների մտերիմ բարեկամներից ու գաղափարակիցներից էր ականավոր գրող Ա. Ս. Գրիբոյեդովը: Նրա ստեղծագործությունները ներծծված են ղեկաբրիստների գաղափարներով: Գրիբոյեդովի հռչակավոր «Խելքից պատուհաս» կատակերգության հերոսին՝ Չափկուն, Գերցենը կոչեց ղեկաբրիստ:

Դեկաբրիստների նկատմամբ ուսու նշանավոր գրող Նեկրասովի ունեցած ջերմ համակրանքի վառ տրտահայտությունն է նրա «Դեկաբրիստահիներ» (կոչվել է նաև «Ռուս կանայք») պոեմը:

Թեև ղեկաբրիստական ապստամբությունն ճնշումից հետո Ռուսաստանում մոլեգնում էր նիկոլայեյան ուսուկցիտը, բայց շուտով խավարի թաղավորության մեջ փայլատակեց լույսի ճառագայթը, կրկին աշխուժացավ Ռուսաստանի հասարակական-քաղաքական առաջավոր միտքը: 1830—1840-ական թթ. հանդես եկան մի շարք հեղափոխական խմբակներ (Կրիտսկի եղբայրների, Սունգուրովի, Սոկոլովսկու, Բելինսկու, Գերցեն—Օգարյովի, Պետրաշևսկու), որոնք ջերմորեն պաշտպանում, զարգացնում ու առաջ են մղում ղեկաբրիստների գաղափարները:

* * *

Դեկաբրիստական շարժումը պատմական խոշոր աղբյուրություն ունեցավ Ռուսաստանի սոցիալ-տնտեսական կյանքի, հասարակական-քաղաքական մտքի և մշակույթի զարգացման վրա:

7 Տե՛ս М. В. Печкина, Следственное дело о А. С. Грибоедове, М.—Л., 1945; նույն թ.՝ А. С. Грибоедов и декабристы, М., 1951.

Դեկտեմբերյան 14-ի ապստամբությունով Ռուսաստանը թևակոխեց իր ազատագրական հեղափոխական շարժումների առաջին փուլը: Իհարկե, ղեկն ամինչև դեկտեմբերյան Ռուսաստանում եղել են հակապետական, հակաֆեոդալական բազմաթիվ շարժումներ, որոնց մի մասը ստացել է մեծ ծավալ, բնորոշվել ժողովրդական լայն զանգվածներ և վերածվել զինված ապստամբությունների: Այդպիսիք էին օրինակ՝ Ռադիկի, Բոլոտնիկովի, Բուլավինի, Պուգաչովի ղեկավարած ապստամբությունները: Սակայն նրանցով չսկզբնավորվեցին Ռուսաստանի հեղափոխական, ազատագրական շարժումները, որովհետև այդ ապստամբությունները կրել են տարերային բնույթ, ընթացել են առանց վաղօրոք մշակված քաղաքական ծրագրերի ու պլանների: Հիշատակված ապստամբությունների ժամանակ ղյուղացիները, դուրս գալով կալվածատերերի դեմ, անկարող եղան ցարիզմի և ֆեոդալիզմի դեմ առաջ քաշել հեղափոխական լոզունգներ, չդրեցին տիրող քաղաքական սիստեմի վերափոխման անհրաժեշտությունը: Նրանք շարունակում էին հավատալ «բարի թագավորներին», զերի մնալով «նախ միապետության» հետամնաց գաղափարախոսությանը⁸:

Դեկտեմբերյանը, որպես բարձրացող բուրժուական հասարակարգի մոնետիկներ, առաջադրեցին Ռուսաստանի սոցիալ-քաղաքական կյանքը նոր սկզբունքներով վերափոխելու համարձակ ծրագիր, դիտակցական հեղափոխական պաշտփարախոսություն:

Եվ, վերջապես, դեկտեմբերյանը առաջինն էին, որ հիմնելով հեղափոխական կազմակերպություններ, դուրս եկան զինված ապստամբության՝ ընդդեմ ինքնակալության և ֆեոդալիզմի: Այս ամենի հետևանքով է, որ վ. Ի. Լենինը Ռուսաստանի հեղափոխական ազատագրական շարժումները սկզբնավորել է դեկտեմբերյան ապստամբությունով:

Դեկտեմբերյան շարժումը խթանեց XIX դարի քաղաքական մտքի հասունացմանը և առաջ մղեց այն: Դրանով իսկ դեկտեմբերյանը նպաստեցին ռուս ժողովրդի «արթնացմանը» և նախապատրաստեցին նրան ցարիզմի ու ֆեոդալիզմի դեմ մղվող վճռական դատարարության: Նրանց գաղափարները դարձան ռուս առաջ մղեցին հեղափոխական-դեմոկրատները՝ դառնալով Ռուսաստանի ազատագրական շարժումների երկրորդ փուլի գրոշակակիրները:

Դեկտեմբերյան շարժումը, 1825 թ. դեկտեմբերի 14-ի և Զերնիզովյան զնդի ապստամբությունները Ռուսաստանի հետագա հեղափոխական սերունդների համար ծառայեցին որպես ուսանելի փորձ: Դեկտեմբերյանին հաջորդած հեղափոխական բոլոր սերունդներն էլ իրենց գործունեության ընթացքում հաշվի առան նրանց թույլ տված սխալները և ջանացին չկրկնել դրանք: Մասնավորապես, դեկտեմբերյանի փորձը ակնառու կերպով ցույց տվեց, որ առանց ժողովրդական զանգվածների հեղափոխական ակտիվ մասնակցության հաղթանակը ցարիզմի դեմ անհնար է:

Զկա ուսական ազդեցին մշակույթի որևէ բնագավառ, որ այս կամ այն չափով կրած չլինի դեկտեմբերյան շարժման բարերար ազդեցությունը: Դեկտեմբերյանի միջավայրից դուրս եկան գրողներ Կ. Ռիլևեր, Լ. Բեստուժև-Մարկինսկին, Լ. Օդոևսկին, Վ. Կյուխելեբեկեր, Ֆ. Բարյատինսկին, Վ. Ռաև-

⁸ См. М. В. Нечкина, Движение декабристов, т. II, с. 452.

սկին, Պ. Կատենինը և ուրիշներ, որոնք գրականության մեջ ստեղծեցին բուրժուական նոր ուղղություն, որը հայտնի է «գեկաբրիստական գրականություն» անունով:

Դեկաբրիստ գրողներ Կ. Ռիլենը և Ա. Բեստուժև-Մարլինսկին 1823—1825 թթ. Պետերբուրգում հրատարակում են «Պոլյարնայա Զվեզդա» ամսանախը (լույս տեսավ երեք դիրք՝ 1823, 1824 և 1825 թթ.), որը փաստորեն դարձավ դեկաբրիստների լեզու օրգանը: «Պոլյարնայա Զվեզդայում» տպագրվում են Ա. Պուշկինի, Վ. Ժուկովսկու, Ի. Կուլիովի, Ա. Գրիբոյլեզովի, Ն. Գնեդիչի, Դ. Դավիդովի, Պ. Վյադեմսկու և 1820-ական թթ. մյուս առաջավոր գրողների ստեղծագործությունները: Դեկաբրիստ գրողները հարստացրին ու առաջ մղեցին XIX դարի ռուսական գրականությունը, նրան տալով քաղաքական-գաղափարական շեշտված հագեցվածություն:

Մեծ է դեկաբրիստների խաղացած դերը ռուսական պատմագիտության զարգացման գործում: Այս բնագավառում հատկապես արժեքավոր ներդրում կատարեցին Պ. Պետսելը, Ն. Մուրավյովը, Մ. Լունինը, Ն. Տուրգենևը, Ն. Բեստուժևը, Մ. Օրլովը, Վ. Սուխոթուկովը, Ա. Կոռնիլովիչը, Ի. Բուրցովը, Ֆ. Գլինկան և ուրիշներ: Ազնվականական պաշտոնական պատմագրության ականավոր ներկայացուցիչ Ն. Կարամզինի «Ռուսական պետության պատմությունը» լույս տեսնելուն պես, նրա առաջին քննադատները եղան դեկաբրիստները: Ն. Մուրավյովը գրեց «Մտերև Ն. Մ. Կարամզինի ռուսական պետության պատմության մասին» ծավալուն գիտողությունները, ուր քննադատում է բացարձակ միապետության և ճորտատիրական կարգերի իդեալականացման նրա կոնցեպցիան: Դեկաբրիստ Ն. Տուրգենևը, քննադատելով Կարամզինի «Ժողովրդի պատմությունը պատկանում է թագավորին» դրույթը, գրում է. «Ժողովրդի պատմությունը պատկանում է ժողովրդին և ուրիշ ոչ ոքի: Ծիծաղելի է այն նվիրաբերել թագավորներին»⁹: Անդրադառնալով պատմության մեջ ժողովրդի դերին, Ն. Բեստուժևը ասում է. «Մինչև այժմ պատմությունը գրել է միայն թագավորների և հերոսների մասին... Ժողովրդի մասին, նրա կարիքների, նրա բախտավորության կամ թշվառության մասին մենք անգիտակ ենք»¹⁰:

Մեծ է դեկաբրիստների ծառայությունը 1812 թ. Հայրենական պատերազմի պատմության գիտական լուսաբանման ու արժեքավորման գործում:

Դեկաբրիստները զգալիորեն նպաստեցին նաև փիլիսոփայության, ռազմական գիտության ու տեսության և մի շարք այլ գիտությունների զարգացմանը: Նրանք իրենց մասնակցությունը բերեցին ռուսական կայսրության ժողովուրդների մշակույթի զարգացմանը: Տաժանակրությունից ազատված և Սիբիրում բնակություն հաստատած դեկաբրիստները սերտ կապերով կապվեցին նրա ժողովուրդների հետ, այնտեղ դպրոցներ բացեցին, նպաստեցին կրթության գործին: Կովկասյան հատուկ կորպուս արտրված և փոխադրված դեկաբրիստները և նրանց «մեղսակիցները» կապեր են հաստատում հայ, վրաց և ադրբեջանական ժողովուրդների մշակույթի գործիչների հետ և

9 СЛ'у С. Волк, Исторические взгляды декабристов, М.—Л., 1958.

10 СЛ'у «Архив братьев Тургеневых», вып. V, 1921, էջ 115.

11 СЛ'у Н. Бестужев, Статьи и письма, М.—Л., 1933, էջ 93.

նպաստում անդրկովկասյան ժողովուրդների կուլտուրական կյանքի կազմակերպմանը:

Հիշատակության արժանի է այն, որ Երևանը պարսկական խանների դարավոր լծից ազատագրվելուց հետո (1827 թ. հոկտեմբերի 1), Կովկասյան հատուկ կորպուսում ծառայող, աստիճանադրված նախկին ղեկաբրիստներ Ս. Գանդեբլովի և Պ. Կոնովնիցինի նախաձեռնությամբ հիմնվում է ռուս սպաներից կազմված մի խմբակ: Նրա անդամները ծանոթանում են Հայաստանին, նրա հիասթափեցնող բնաշխարհին, նկարում զանազան բնապատկերներ, մասնավորապես վեհատեսիլ Արարատ և քաղաքագաթ Արագած լեռները: Այս խմբակում քննարկվում և հավանության է արժանանում Ա. Ս. Գրիբոյեդովի հուշակավոր «Խելքից պատուհաս» կատակերգության ձեռագիրը: Նույն խմբակի նախաձեռնությամբ Երևանի նախկին սարդարի պալատի հայեւապատ դահլիճում, ռուս սպաների ուժերով տեղի ունեցավ «Խելքից պատուհասի» առաջին բեմադրությունը, որին ներկա էր նաև հեղինակը: Դեկաբրիստների կողմից Երևանում այդպիսի խմբակի հիմնադրումը կարևոր երևույթ էր պարսկական խանական հետամնացության ու խավարի թմրությունը թոթափած Երևանի մշակութային կյանքում:

Այսպիսով, թեպետ ցարիզմին հաջողվեց արյան մեջ խեղդել ղեկաբրիստական շարժումը, թեպետ այն աղնվականական հեղափոխականների շարժում էր, բայց շրջադարձային նշանակություն ունեցավ Ռուսաստանի համար: Դեկաբրիստական շարժումն ակոսեց ռուսական կյանքի բոլոր ասպարեզները և բարերար խոշոր ազդեցություն գործեց Ռուսաստանի պատմական առաջընթացի վրա:

Վ. Ի. Լենինը, քննադատելով ղեկաբրիստների դասակարգային սահմանավակվածությունը, ժողովրդից կտրվածությունը, ոչ հետեողականությունը, մասսայական զինված ապստամբության մերժումը և մյուս սխալներն ու վրիպումները, միաժամանակ ըստ արժանվույն է գնահատել ղեկաբրիստների տեղը և խաղացած դերը Ռուսաստանի հեղափոխական շարժումների մեջ: «1825 թվականին, — գրում է Վ. Ի. Լենինը, — Ռուսաստանն առաջին անգամ տեսավ հեղափոխական շարժում ցարիզմի դեմ, և այդ շարժումը ներկայացնողը զրեթե բացառապես աղնվականներն էին»¹²:

«Վեիկիոուսների ազդային հպարտության մասին» իր նշանավոր հոդվածում Վ. Ի. Լենինը ցասումնալից խոսքերով նշավակելով ժողովրդի նկատմամբ ցարիզմի դործադրած դաժան բռնությունները, միաժամանակ աղգային հպարտության բարձր զգացումով գրում է. «Մենք հպարտանում ենք նրանով, որ այդ բռնությունները մեր միջավայրից, վեիկիոուսների միջավայրից, հակահարված են առաջ բերել, որ այդ միջավայրն առաջ է քաշել Ռադիշչևին, ղեկաբրիստներին...»¹³: Նա պատշաճին է գնահատել ղեկաբրիստների խաղացած դերը ճորտատիրական դարաշրջանի «ընկճված ու անշարժ» Ռուսաստանում ժողովրդի արթնացման գործում: «...Աղնվականներից լավագույն մարդիկ օգնեցին զարթեցնելու ժողովրդին»¹⁴, — գրել է Վ. Ի. Լենինը: Հաստատ հավատով լի դեպի իրենց պաղափարները և Ռուսաստանի ապագան, դե-

¹² Վ. Ի. Լենին, Երկեր, հատ. 23, էջ 320:

¹³ Նույն տեղում, հատ. 21, էջ 118:

¹⁴ Նույն տեղում, հատ. 19, էջ 403:

կաբրիստները հեռավոր Սիբիրի տաժանակրության բանտերից գրում էին՝ «Մեր վշտալի աշխատանքը չի կտրի իզուր»։ Վերահաս հեղափոխությունների փոթորկալից նախօրեին՝ 1912 թ. Վ. Ի. Լենինը, մեծարելով դեկաբրիստներին, գրեց՝ «Նրանց գործը ապարդյուն չանցավ»¹⁵։

Այսօր, նշելով դեկաբրիստական ապստամբության 150-ամյակը, սիրով ու երախտագիտությամբ կարող ենք ասել՝ հիրավի, «ներանց գործը ապարդյուն չանցավ»։

Դեկաբրիստներին հաջորդեց ուսս հեղափոխականների երկու նոր սերունդ։ Հեղափոխական-դեմոկրատներ, որոնց «շրջանն ավելի լայն էր» և առավել «մոտ դարձավ նրանց կապը ժողովրդի հետ»¹⁶։ առաջ տարան ու զարգացրին դեկաբրիստների հեղափոխական գաղափարները։ Մրանց հաջորդեց հեղափոխականների երրորդ սերունդը՝ ուսական հերոսական բանվոր դասակարգը, որն իր մարտական կուսակցության գլխավորությամբ կործանեց ցարիզմը, կալվածատերերի և բուրժուազիայի իշխանությունը ու ցարական կայսրության փլատակների վրա կառուցեց աշխարհում առաջին սոցիալիստական հասարակարգը։

¹⁵ Նույն տեղում, հատ. 18, էջ 20։

¹⁶ Նույն տեղում։